

2 SAMUEL

(2 Chamué)

Dawí rü nüxũ nacuáchiga ga nax
nayuxũ ga Chaú

1 ¹Rü yexguma Chaú yuxguwena, rü nüma ga Dawí rü ñane ga Chichláchicax natáegu ga marü Amaréchitanüxügüxũ nadaixguwena. Rü taxre ga ngunexũ yexma narüxãûx. ²Notürü norü tamaepûx ga ngunexũgu, rü yéma Dawíxütawa nangu ga wüxi ga yatü ga Chaú norü churaragümaxã íyexmaxũwa ne üxũ. Rü norü ngechaũmaxã nügüchirugu nagágü rü waixümümaxã nügü nabuxeru, rü yemaacü ñangu. Rü yexguma Dawíxewewa nanguxgu rü nhaxtüanegu nanangücuchi. ³Rü nüma ga Dawí rü nüxna naca rü nhanagürü: —¿Ngextá ne cuxü? —nhanagürü. Rü nüma ga yema yatü rü nanangãxũga rü nhanagürü: —Iraéuanecüãxgüarü churaragü íngexmagüxũwa chinha —nhanagürü. ⁴Rü nüma ga Dawí rü nüxna naca, rü nhanagürü: —¿Taxacü nangupetü? ¡Chamaxã nüxũ ixu! —nhanagürü. Rü nüma ga yema duũxũ nanangãxũga rü nhanagürü: —Ngẽma Iraéuanecüãxgüarü churaragü rü

nibuxmü i ngẽma nügü ñnadaixũwa, rü muxũma ngẽxma nayue. Rü ngẽxma ta nayu i Chaú rü nane i Yónataũ —nhanagürü.

.....

¹¹Rü nüma ga Dawí rü yema norü duũxũgü rü yexguma yema orexũ naxĩnüegu rü norü ngechaũmaxã nügüchirugu nagágüe. ¹²Rü poraãcü nangechaũgü rü naxauxe naxçax ga Chaú rü nane ga Yónataũ. Rü yexgumarüxũ ta naxçax naxauxe ga yema muxũ ga churaragü ga Iraéuanecüãxgü ga yuexũ. Rü yemaçax tama nachibüe nhuxmata nayáuanemare.

.....

Dawíxũ naxunetagü nax
Yudáanearü ãëxgacü yixĩxũçax

2 ¹Rü yemawena rü nüma ga Dawí rü Cori ya Tupanana naca rü nhanagürü: —¿Ëxna Yudáanecax tá chatáeguxũ yixĩxũ? —nhanagürü. Rü nüma ga Cori ya Tupana nanangãxũga rü nhanagürü: —Ngũ, name nixĩ i ngẽma cuxü —nhanagürü. Rü yexguma ga Dawí rü ñnaca rü nhanagürü:

—¿Ngextá tá chaxũxũ? —nhanagürü. Rũ nüma ga Cori ya Tupana nanangãxũga rü nhanagürü: —Ñane ya Ebróũwa —nhanagürü. ²Rü yexguma ga Dawí rü yéma Ebróũwa naxũ ngĩmaxã ga yema taxre ga naxmax ga Ainóãũ ga ñane ga Yerécüãx, rü Abigái ga Cármeçüãx ga yutecü ga Nabáu naxmax ixĩchirexcü. ³Rü yéma nanagagü ta ga norü churaragü natanüxũgũmaxã, rü Ebróũgu nayaxãchiũgü. ⁴Rü yemawena ga Yudáanecüãxgüarü ãëxgacügü rü yéma nangugü, rü Dawíxũ chíxũmaxã nabaerugü rü Yudáanearü ãëxgacüxũ nayangucuchixëëgü.

.....

**Dawí rü guxũma ga
Iraéuanecüãxgüarü ãëxgacüxũ
ningucuchi**

5 ¹Rü moxũãcüamachigü rü wüxichigü ga Iraéuanecüãxgütücumüarü ãëxgacü rü Ebróũwa naxĩ, rü Dawímaxã narüdexagü rü nhanagürügü: —Toma rü cutanüxũxũchi tixigü. ²Rü yexguma Chaú Iraéuanearü ãëxgacü ixĩxgu, rü cuma nixĩ ga aixcumama tomaxã icucúaxũ. Rũ nüma ga Tupana rü nüxũ nixu nax cuma tá quixĩxũ i toxna cudauxũ rü guxũma i Iraéuanecüãxgüarü ãëxgacü tá quixĩxũ —nhanagürügü. ³Rü yemaacü ga yema duũxũgü rü Dawímaxã nidxagü ga Ebróũwa. Rũ nüma ga Dawí rü Cori ya Tupanapexewa yema duũxũgũmaxã inaxüga. Rũ nüma ga yema duũxũgü rü Dawíxũ chíxũmaxã nabaerugü rü yemaacü guxũma ga Iraéuanecüãxgüarü ãëxgacü nixĩ. ⁴Rü nüma ga Dawí rü nüxũ nayexma ga 30

ga taunecü ga yexguma ãëxgacüxũ yangucuchigu. Rũ 40 ga taunecü nixĩ ga ãëxgacü yixixũ. ⁵Rü Ebróũwa rü 7 ga taunecüarü ngãxũ nixĩ ga Yudáanearü ãëxgacü yixixũ. Rũ yemawena rü nüma ga Dawí rü guxũma ga Iraéuanearü ãëxgacü nixĩ ga 33 ga taunecü ga Yerucharéũwa. ⁶Rü nüma ga ãëxgacü ga Dawí rü norü churaragũmaxã Yerucharéũwa naxĩ nax naxçax íyaxüãchixũçax ga yema Yebuchéutanüxũgü ga yema naanegu ãchiũgüxũ. Rũ nüma ga Yebuchéutanüxũgü rü nagu narüxĩnue nax taxütãma Dawíaxũ natauxchaxũ ga guma ñane nax naxüçaxũ. Rũ yemaçax nhanagürügü nüxũ: —Cuma rü taxütãma nuxã çuxücu erü woo ngẽma ingexetüxũ rü ichixeparaxũ rü ningü nax ínapoxũgüãxũ ya daa ñane nax tama nagu çuxüçaxũçax —nhanagürügü. ⁷Notürü nüma ga Dawí rü norü churaragũmaxã nagu naxĩgũama ga guma maxpũne ga Chiáũ ga yema ñanecüãxarü churaragü nagu ãchiũgüne rü nüxna nayapu. Rũ ngẽmaçax nixĩ i nhuxmax i Dawíarü ñane nhaãcü naxugüãxũ. ⁸Rü yexguma Dawí nüxũ ñnügü ga yema Yebuchéutanüxũgü ga nüxũ nax nacugüexũ, rü norü churaragüxũ nhanagürü: —Ngẽma Yebuchéutanüxũgü i chixri tachiga idexagüxũ rü naxchi chaxai. ¡Rü yima ñanearü dexã nagu iyaxũwa pichocu rü penadaix i ngẽma ñanecüãxgü i Yebuchéutanüxũgü i nügütãma ixugüexũ nax yangexetüxũ rü yachixeparaxũ! —nhanagürü. (Rũ ngẽma nixĩ i ne naxũxũ i ngẽma dexa i nhaxũ: “Rü tama chanaxwaxe i ngẽma ingexetüxũ rü

ichixeparaxũ nax chapatagu nachocuxũ”,
 nhaxũ.) ⁹Rũ yemawena ga Dawí rü
 guma maxpũne ga Chiáũwa ngexmane
 ga İanegu nanaxũ ga napata nax yéma
 norü churaragũmaxã nayexmaxũcax. Rũ
 guma İane rü Dawıarũ İanegu
 nanaxũega. Rũ nanaxũtapũxgũ ga
 guxũwama. Rũ Mıruarũ
 dauxũtaechicawa inanaxũgũ, rü
 İanewaama nanadaxẽxẽ ga naxtapũx
 nhũxmata aẽxgacũpatawa nangu. ¹⁰Rũ
 nũma ga Dawí rü yexeraãcũ niporachigũ
 yerũ ga Tupana ya guxũétũwa ngẽxmacũ
 rü nüxũ narũngũxẽ. ¹¹Rũ yemacax ga
 İráũ ga İane ga Tıruarũ aẽxgacũ ixĩcũ rü
 Dawıxũtawã nanamugũ ga nhuxre ga
 norü ngũxẽeruũgũ nax Dawımaxã
 yanadexagũxũcax. Rũ nhũxũchi yéma
 nanamugũ ta ga yatũgũ ga nüxũ icuáxũ
 ga nutaarũ mexẽcũwagũ rü corapınagũ.
 Rũ yema duũxũgũ rü yéma nanana ga
 mürapewagũ ga ocayıwanaxcax nax
 yemamaxã naxũgũáxũcax ga guma
 Dawıpata.

.....

**Tupana nüxũ nixu nax Dawıxũ tá
 nangũxẽxũ**

7 ¹Rũ yexguma nũma ga aẽxgacũ ga
 Dawı nawa ũxgu ga guma İpata ya
 aẽxgaciãrũ ixĩũne, rü Cori ya Tupana
 nanangũxmũxẽxẽ namaxã ga guxũma ga
 norü uanũgũ ga İraéuanena
 ngaicamagũxũ. ²Rũ nũma ga Dawı rü
 guma Tupanaarũ orearũ uruxũ ga
 Natáũxũ nhanagürũ: —İDũcax i chama
 rü wũxi ya mexechine ya İpata ya
 ocayıwanaxcax ixĩnegu chape! Notürũ
 ngẽma baú i Tupanaarũ mugũ nawa
 ngẽxmagũxũ rü wũxi ya İpata ya

naxchirunaxcaxwa nangexma
 —nhanagürũ. ³Rũ nũma ga Natáũ rü
 nhanagürũ: —İËcũ naxũ i ngẽma nagu
 curũxĩnũxũ! Erũ Cori ya Tupana rü
 İnamemare nax cuxũ nangũxẽxũ
 —nhanagürũ. ⁴Notürũ yema chũtaxũgu
 ga Tupana rü Natáũxũ nhanagürũ:
⁵—İChorũ duũ ya Dawımaxã idexã rü
 namaxã nüxũ ixu i chama i Cori ya
 Tupana nax chixĩxũ rü nhacharũgũ:
 “Taxũtãma nũma nixi i chaũxcax
 naxũáxũ ya yima İpata ya nawa tá
 changexmane! ⁶Rũ yexguma noxritama
 Eyıtuãnewã İchanangũxũxẽxũgu ga
 İraéutanũxũgũ, rü yexgumacürũwa rü
 taguma wũxi ga İpata ga
 mürapewanaxcaxtũũwa chayexma,
 notürũ İpata ga naxchirunaxcaxtũũwa
 nixi ga chayexmaxũ. ⁷Rũ gucũma ga
 gumá tauncẽgũ ga nagu
 İraéutanũxũgũmaxã ichixũcũ, rü taguma
 nüxna chaca ga wũxi ga norü aẽxgacũ
 nax chaũxcax wũxi ga İpata ga
 ocayıwanaxcax naxũxũ woo chama nax
 chayangucuchixẽxẽ ga yema aẽxgacũgũ
 nax İraéutanũxũgũmaxã inacuáxũcax.
⁸Rũ ngẽmacax ;namaxã nüxũ ixu ya
 chorũ duũ ya Dawı rü chama ya Cori ya
 Tupana ya guxãétũwa ngẽxmacũ, rü
 nhacharũgũ nüxũ! ‘Yexguma
 carnérugũarũ daruxũ quixĩxgu rü yéa
 naanewa nüxna cudaxgu, rü chama cuxũ
 chayaxu nax nhaa chorũ duũxũgũ i
 İraéutanũxũgũarũ aẽxgacũ nax
 quixĩxũcax. ⁹Rũ cuxũ İchixũmũcũ ga
 ngextã İcuxũxũwa, rü cuxũ nüxũ
 charũporamaexẽxẽ ga guxũma ga curũ
 uanũgũ ga cumaxã nügũ daixũ. Rũ cuxũ
 chatachigaxẽxẽ nax wũxi ya aẽxgacũ ya
 aixcuma tacũ quixĩxũ i nhama i naanewa.

10-11Rü nhuxmachi wüxi ga naane marü nüxna chaxã ga yema chorü duũxũgü i Iraéutanüxũgü. Rü yéma chanangugüxêxê nax noxrü yixĩxũcax ga yema naane. Rü woo norü uanügü nagu nidauxcüraxũgü, rü nanachixewegü ga yexguma Yuchuéwena nüxü chaxunetagu ga ãëxgacügü ga guxchaxũarü mexêëruũgü, notürü i nhuxmax rü cumxexwa chanangexmaxêxê i ngêma Iraéuanecüãxgü nax namaxã icucuáxũcax rü taxúema nagu idauxcüraxũxũcax rü taxúema nachixewexũcax. Rü marü nataxutáma i curü uanügü i cuxü rüporamaexü, rü ngêma cutaxagü tá nixĩ i ngêma chorü duũxũgümaxã icuaxgüxü. 12Erü ngëxguma cuma tá cuyuxgu, rü wüxi ya cune tá chanamu nax Iraéuanecüãxgüarü ãëxgacü yixĩxũcax. Rü ngêma ãëxgacü rü tá naporã erü chama tátama chanaporaxêxê. 13Rü nüma tá nixĩ i wüxi ya chapata naxüxü. Rü chama rü guxũgutáma nüxü charüngüxêxê nax duũxũgümaxã inacuáxũcax. 14Chama rü tá nanatü chixĩ rü nüma rü tá chaune nixĩ. Rü ngëxguma nüma chixexü naxüxgu, rü chama rü tá to i nachixüanecüãxgüxü chamu nax napoxcugüaxũcax. 15Notürü tagutáma nüxü charüchau nax nüxü changechaũxü, rü tagutáma nüxü chaxo yema Chaũxü chaxoxürüxü rü yemacax nachicüxü cuxü chimucuchi i cuma i Dawí? —nhanagürü ga Tupana.

.....

Dawí rü Mepibochéxü narüngüxêxê

9¹Rü wüxi ga ngunexũgu ga Dawí rü ínaca rü nhanagürü: —¿Rü tayíxemaxü ya wüxíe ya Chaútanüxü i

nhuxmax rü ta ngextá maxüxê? Erü ngëxguma tayíxemagu rü Yónataũéagau tũxü charüngüxêxêchaũ —nhanagürü. 2Rü yexguma Dawí nüxü cuaxgu ga nax nayexmaxü ga wüxi ga yatü ga Chíbagu ãëgacü ga Chaúarü duũxü ixícü, rü nüma ga Dawí rü naxcax nangema nax naxütawa naxüxũcax. Rü yexguma Chíba Dawíxütawa üxgu, rü nüma ga ãëxgacü rü nüxna naca rü nhanagürü: —¿Cuma nixĩ i Chíba quixixü? —nhanagürü. Rü nüma nanangãxũga rü nhanagürü: —Ngü, Pa Chorü ãëxgacüx —nhanagürü. 3Rü yexguma ga nüma ga ãëxgacü rü nüxna naca rü nhanagürü: —¿Tangexmaxü ya maxüxê ya Chaútanüxüwa íyaxüxe? Rü ngëxguma tangexmagu, rü Tupanaéagau chayangüxêxêchaũ i ngêma nagu charüxínüxü nax ngêmaãcü nüxü chanawéxũcax nax choxü nangechaütümüxüxü —nhanagürü. Rü nüma ga Chíba rü nanangãxũga rü nhanagürü: —Nangexma nixĩ ya wüxi ya Yónataũ nane ya norü guxüneparawa chixecü —nhanagürü. 4Rü nüma ga ãëxgacü rü nhanagürü: —¿Ngextá inangexmaxü? —nhanagürü. Rü nüma ga Chíba nanangãxũga rü nhanagürü: —Lodebáwa nixĩ i nangexmaxü i Maquí ya Amiéu nanepatawa —nhanagürü. 5Rü yexguma ga nüma ga ãëxgacü ga Dawí rü nanamu ga yema ínayexmaxüwa nax yagagüaxũcax. 6Rü yexguma Dawíxütawa nanguxgu ga nüma ga Mepiboché ga Yónataũ nane ga Chaútaxa ixícü, rü napexegu nanangücuchi ga nüxü nax namoxëxũcax. Rü nüma ga Dawí rü nüxna naca rü nhanagürü: —¿Ëxna

cuma quixixũ, Pa Mepibochéx?
 —nhanagürü. Rü nüma nanangãxũga rü
 nhanagürü: —Cuxmexwa changexma Pa
 ãËxgacũx —nhanagürü. ⁷Rü nüma ga
 Dawí rü nhanagürü nüxũ:
 —¡Taxucaxma cumuũ! Erü chama rü
 meatáma cumaxã ichacuax cunatu ga
 Yónataũégagu. Rü tá chanamu nax cuxũ
 natáeguxẽégüaxũcax i guxũma i ngẽma
 naane ga curü oxí ga Chaúarü ixixũ. Rü
 guxũgutáma chorü mecha i chama
 íchachibũxũwa tá cuchibü —nhanagürü.
⁸Notürü nüma ga Mepiboché rü
 ãËxgacũpexegu nanangücuchi rü
 nhanagürü nüxũ: —¿Tũxcũũ chagu
 curüxĩnũ i chama i curü duũxũ chixixũ,
 Pa ãËxgacũx, ega ngẽxguma taxuwama
 cuxũ chamexgu? —nhanagürü.

.....

¹³Rü yemawena ga nüma ga
 Mepiboché ga guxũneparawa chixecü rü
 Yerucharéũgu naxãchiũ, yerü guxũguma
 ãËxgacüarü mechawa nachibü.

.....

Dawí rü Bachichéba

11 ¹Rü guma tauemacügu ga
 yexguma taunecüwa
 nanguxchaũgu, rü yexguma nixí ga
 ãËxgacügü ga ínachoxũxũ ga daiwa nax
 naxixũcax. Rü nüma ga Dawí rü norü
 churaragüarü ãËxgacü ga Yoábexũ
 namu nax yema norü churaragũmaxã
 nadaiaxũcax ga Amóũtanũxũgü. Rü
 guma Amóũtanũxũgüarü íane ga
 Rabáxũ ínachoeguãchí. Notürü nüma ga
 Dawí rü Yerucharéũgu narüxãũx. ²Rü
 wüxi ga yáuanecü ga yexguma
 tocuchiguwena ngũwa ínadaxgu ga
 Dawí, rü guma napataarü doétxũgü

naxĩnagü rü yexma ínixũãchixũ. Rü
 yexguma guma íaneétxũ ínadawenügu,
 rü ngĩxũ nadau ga wüxi ga nge ga
 mexechicü ga yéma aiyacü. ³⁻⁴Rü yema
 nge rü ngĩgü imexẽxẽ, yerü yexwaca
 ngĩxcax nitaane ga ngĩrü
 daxawexũnewa. Rü nüma ga Dawí rü
 norü duũxũxũ namu nax ínacaxũcax
 nax texe yixixũ ga yema nge. Rü
 namaxã nüxũ nixugüe ga Bachichéba ga
 Eriáũacü ga Uría ga Etéutanũxũ naxmãx
 nax yixixũ. Rü yexguma ga Dawí rü
 nhuxre ga norü duũxũgũxũ namu nax
 ngĩxcax yacaxgũxũcax nax naxũtawa
 naxũxũcax. Rü yexguma yéma
 naxũtawa nanguxgu, rü nüma rü
 ngĩmaxã namaxũ. Rü yemawena ga
 ngĩma rü ngĩpatacax itáegu. ⁵Rü ngĩma
 ga yema nge rü nüxũ íxãxacü, rü
 yemacax Dawíxũ nüxũ icuaxẽxẽ. ⁶Rü
 yexguma ga Dawí rü wüxi ga poperagu
 Yoábexũtawa nanamu ga ore ga nhaxũ:
 —¡Nua chauxũtawa namu ya yimá
 Etéutanũxũ ya Uría! —nhaxũ. Rü
 yemaacü nanaxü ga Yoábe. ⁷Rü
 yexguma Uría Dawíxũtawa nguxgu, rü
 nüma ga Dawí rü nüxna naca nax
 nhuxãcü nüxũ naxüpetixũ ga Yoábe rü
 yema norü churaragü, rü nhuxãcü
 iyaxũxũ ga yema nügü ínadaixũwa. ⁸Rü
 yemawena ga Dawí rü nhanagürü:
 —¡Ëcü, cuchĩũwa naxü rü ngẽxma
 yarüngũ! —nhanagürü. Rü yexguma
 Dawíxũtawa ínaxũxũxgu ga Uría, rü
 nüma ga Dawí rü Uríapatawa nanamu
 ga wüxi ga õna ga mexũ norü ãmarexũ.
⁹Notürü nüma ga Uría rü tama
 nachĩũwa naxü. Rü ãËxgacüpataarü
 íãxũtagu nape naxũtagu ga yema
 churaragü ga yéma dauxũtaegũxũ. ¹⁰Rü

yexguma Dawí nüxũ cuaxgu ga Uría rü tama nachiũwa nax naxũxũ, rü nüxna naca rü nhanagürü: —¿Taxacü cuxũ nangupetu? ¿Tüxcüũ tama cuchiũgu cuyape woo nax nhuxre i ngunexũ ngextámare nax cungexmaxũ? —nhanagürü. ¹¹Rü nüma ga Uría nanangãxũga rü nhanagürü: —Ngẽma baú i Tupanaarü mugüchixũ rü Iraéuanecüãxgiarü churaragü rü Yudáanearü churaragü rü düxenügütüũgumare napegü. Rü ngẽxgumarüxũ ta ya Yoábe ya chorü ãẽxgacü, rü ngẽma ãẽxgacügü i cutüũwa ügüxũ rü düxétüanegumare napegü. ¿Rü nhuxãcü i chama rü chiarü chauxchiũgu chaxücuxũ, rü chachibüxũ, rü chaxaxexũ, rü chauxmaxũta chi chapexũ? Rü Tupanaégagu cumaxã nüxũ chixu rü tagutáma ngẽma chaxü —nhanagürü. ¹²Notürü nüma ga Dawí rü nanamu ga yexmatama nax naxãüxũcax rü nhanagürü: —¿Nuxmatama rüxãüx i nhuxmax rü chanaxwaxe i moxũ nax cutáeguxũ! —nhanagürü. Rü yemaacü ga Uría rü moxüãcü rü ta Yerucharéũgu narüxãüx. ¹³Rü nüma ga Dawí rü nüxna naxu nax namaxã nachibüxũcax rü namaxã nax naxaxexũcax, rü nanangãxẽxẽ. Rü yexguma marü nachütagu ga Uría, rü ínaxüxü rü yema churaragü ga ídauxũtaegüxũtanügu nayape, notürü tama nachiũwa naxü. ¹⁴Rü moxüãcü paqmama ga Dawí rü Yoábecax popera naxümatü rü Uríamaxã yéma nanamu. ¹⁵Rü yema poperawa rü nhanagürü: “¿Ngẽma napexegu ãgüxü i curü churaragümaxã yamu ya Uría i ngextá ngẽma tórü uanügiarü churaragü

íruporamaegüxũwa nax naxüxũcax! ¿Rü nhuxüchi nüxica ngẽma penatáx nax ngẽmaãcü yapixẽẽgüaxũcax rü ngẽxma nayuxũcax!” nhanagürü ga norü poperawa. ¹⁶Rü yemaçax ga Yoábe ga yexguma guma íanexü ínachoeguãchigu ga nügü nax nadaixũcax, rü Uríaxü namu nax ngextá norü uanügiarü churaragü íruporamaexũwa yaxüũchixũcax. ¹⁷Rü yexguma iyayixgu ga yema norü uanügi nax Yoábearü churaragümaxã nügü nadaixũcax rü ínapoxüãgüãxũcax ga guma norü íane, rü yexma nayue ga nhuxre ga Dawíarü churaragüeru. Rü yematanüwa nayexma ga Uría. ¹⁸Rü nüma ga Yoábe rü Dawíxütawa nanamu ga popera ga nawa nüxü yaxuxü nax nhuxãcü ínganguxuchixü ga yema nügü ínadaixüwa. ¹⁹Rü nanaxucyxẽ ga yema duüxũ ga orearü ngeruxü, rü nhanagürü: —Ngẽxguma quigüegagu nax ãẽxgacümaxã nüxü quixuxü i nachiga nax nhuxãcü ínganguxuchixü nax yigü namaxã idaixü i tórü uanügi, ²⁰rü ngürüãchi nüma ya ãẽxgacü rü tá nanu rü cuxna tá naca rü nhanagürü tá: “¿Tüxcüũ nüxna pengaicamaxüchi ya yima íane? ¿Tama ãxna nüxü pecuax i norü poxeguruüéütuwa nax pexü ínamuxüchigüxü namaxã ya nutagü i ngẽma tórü uanügi? ²¹¿Tama ãxna nüxna pecuaxãchiexü ga yema nge ga Tébecüãx ga ãẽxgacü ga Abimeréchi ga Yerubaá nanexü imãxcü ga yexguma wüxi ga nuta ga caexü naétü nanhaxgu? Rü ngẽmacax ¿tüxcüũ nüxna pengaicamaxüchi ya yima íanearü poxeguxü?” nhaãcü tá cuxna naca. Rü ngẽxguma i cuma rü tá cunangãxũga rü

nhacurügü tá: “Ngêxma ta nixĩ i nayuxĩ ya Uría ya Etéutanüxĩ ixĩcü, Pa Chorü Āĕxgacüx”, nhacurügü tá —nhanagürü ga Yoábe. ²²Rü yema orearü ngeruxĩ rü yéma Dawíxütawa naxü. Rü yexguma yéma nanguxgu rü Dawímaxã nüxü nixu ga guxüma ga yema ore ga Yoábe namaxã nüxü ixuxü. Rü nüma ga Dawí rü Yoábemaxã nanu, rü yema orearü ngeruüxü nhanagürü: —¿Tüxcüü nüxna pengaicamaxüchi ya yima ñane? ¿Rü tama ĕxna nüxü pecuax i norü poxeguruüétüwa nax pexü ínamuxüchigüxü namaxã ya nutagü i ngêma tórü uanügü? ¿Tama ĕxna nüxna pecuaxächieüxü ga yema nge ga Tébecüax ga Abimeréchi ga Yerubaá nanexü imaxcü ga yexguma wüxi ga nuta ga caexü naétü nanhaxgu? Rü ngêmacax ¿tüxcüü nüxna pengaicamaxüchi ya yima ñanearü poxeguxü? —nhanagürü. ²³Rü nüma ga yema orearü ngeruxü rü nanangãxüga rü nhanagürü: —Nüma ga yema tórü uanügüarü churaragü rü inayayi, rü tomaxã nügü nadai. Notürü ga toma rü nügü ítayabuxmüxëxë rü nhuxmata ñaneçax ixücuxüwa nangugü. ²⁴Rü yexgumayane ga yema tórü uanügü rü ñanearü poxeguxüarü dauxüwa würamaxã curü churaragüxü nadai, Pa Chorü Āĕxgacüx. Rü ngêxma nayue i nhuxre i churaragüeru rü ngêmatanügu nayu ya Uría ya Etéutanüxü ixĩcü —nhanagürü. ²⁵Rü yexguma ga Dawí rü yema orearü ngeruüxü nangãxüga, rü nhanagürü: —¡Yoábemaxã nüxü ixu rü taxuçaxma naxçax naxoegaãxë i ngêma, erü woetama ngêmaäcü nangupetü i daiwa! ¡Rü namaxã nüxü ixu nax yexera

pora naxüxüçax nax nadaiäcüxüçax ya yima ñane, nhacurügü tá nüxü! Rü cuma rü name nixĩ i yexeraäcü pora Yoábena cuxã —nhanagürü. ²⁶Rü yexguma nüxü nacuçaxgu ga Uría naxmax ga marü nax nayuxü ga guma ngíte rü inaxaure. ²⁷Notürü yexguma marü nangupetüxgu ga nax naxaurexü, rü nüma ga Dawí rü nachiüwa ngıxçax nangema, rü naxmaxü ngıxü nixixëxë, rü nüxü ixãxücü. Notürü nüma ga Cori ya Tupana rü tama namaxã nataãxë ga yema Dawí üxü.

Natáu rü Dawíxü naxoregü

12 ¹Rü nüma ga Cori ya Tupana rü norü orearü uruxü ga Natáüxü namu ga Dawíxütawa nax naxüxüçax. Rü yexguma Natáu Dawíxütawa nguxgu, rü nhanagürü nüxü: —Wüxi ga ñanewa nayexma ga taxre ga yatü. Wüxi rü namuarü yemaxüaxüchi rü yema to rü nangearü yemaxüax. ²Rü yema muarü yemaxüaxü rü muxüma ga carnérugü rü wocagü nüxü nayexma. ³Notürü ga yema ngearü yemaxüaxü rü wüxitama ga carnéruacü nüxü tayexma ga tümacax nataxexe. Rü nümatama tüxü nayaxëxë ga guxema carnéruacü, rü naxütawa rü nanegüxütawa taya. Rü yematama ñna ga tümaarü yora ngóxü tangõx rü naxpáxüwatama taxaxe, rü nügüxüta tüxü napexëxë. Rü nüma ga guma yatü tüxü nangechaü nhama naxacüxü nangechaüxürüxü. ⁴Rü wüxi ga ngunexü rü yema muarü yemaxüaxüxütagu nanaxüane ga wüxi ga duüxü ga toxnamana ne üxü. Notürü nüma ga yema duüxü ga muarü yemaxüaxü rü tama norü carnéruta

rüexna norü wocata nimáxchaũ nax yemaacü naxçax nax naxüwemüxüçax ga yema naxütágu naxüanexü. Rü guxema ngearü diëruáxearü carnéru niyaxu, rü yema yéma nguxüçax tüxü naxü —nhanagürü. ⁵Rü yexguma yemaxü naxínügu ga Dawí, rü yema yatümaxã poraãcü nanu, rü Natáüxü nhanagürü: —Tupanaégagu cumaxã nüxü chixu rü texé ya ngëma úxe rü name nixí i tüxü nax imáxü. ⁶Rü 4 expüxcüna tá tüxü naxütanü ya yíxema carnéruacü, erü tama nüxü tangechaütümüxüãcúma nanaxü i ngëma —nhanagürü. ⁷Rü yexguma ga Natáu rü nhanagürü: —Cuma nixí i ngëma yatü quixíxü. Rü nhaa nixí i norü ore i Cori ya Iraéuanecüãxgüarü Tupana cumaxã nüxü ixuxü. Chama cuxü chayaxu nax Iraéuanecüãxgüarü ãëxgacü nax quixíxü, rü Chaúmexëwa cuxü íchapoü. ⁸Rü napata cuxna chaxã, rü cuxmëxwa tüxü changëmagüxëxë ga naxmãxgü, rü guxüma i Iraéuane rü Yudáane rü cuxna chaxã. Rü ngëxguma chi cuxçax nanoxregu i ngëma, rü chi muxüma i togü i ngëmaxügü chi cuxna chaxã. ⁹Rü tüxcüü tama naga cuxínü i chorü ore, rü cunaxü i ngëma tama chauãëwa mexü? Rü cuma rü Amóütanüxügüarü taramaxã cuyamãx ya Uría ya Etéutanüxü rü naxmãxçax cungix. ¹⁰Rü ngëma nax choxü cuxoxü, rü ngëmacax Uría ya Etéutanüxü naxmãx tüxü cuyapu rü cuxmãxü tüxü quixíxëxë. Rü ngëmagagu rü guxügütáma ãücümaxüwa cungëxma. ¹¹Rü chama i Cori ya Tupana rü cumaxã nüxü chixu rü chama rü tá chanaxü nax cutanüxü tátama yixíxü i guxchaxü

cumaxã üxü. Rü cupëxewa tátama tüxü chade ya cuxmãxgü rü ngëma cutanüxüna tá tüxü chamugü, rü guxãpëxewa tá tùmamaxã namaxë. ¹²Cuma rü cúacü cunaxü i ngëma chixexü, notürü i chama rü guxüma i Iraéuanecüãxgüpëxewa tá chanaxü i ngëma cumaxã nüxü chixuxü nax guxãma nüxü dauxüçax —nhanagürü. ¹³Rü nüma ga Dawí rü Natáüxü nangãxüga rü nhanagürü: —Tupanamaxã chixexü chaxü —nhanagürü. Rü nüma ga Natáu nanangãxüga rü nhanagürü: —Ngemáacü, notürü Tupana rü cuxü nangechaü, rü taxütáma ngëma chixexügügu cuyu. ¹⁴Notürü ngëma chixexü icuxüxügügu rü Tupanaarü uanügüaxü cunatauxchaxëxë nax Tupanaxü naxoexü rü namaxã naguxchigagüxü. Rü ngëmacax ya yimã cune ya ngëxwacax íxracü rü tá nayu —nhanagürü. ¹⁵Rü yexguma Natáu nachüüçax táeguxgux rü nüma ga Cori ya Tupana rü poraãcü nayadaxawëxë ga yema buxü ga Uría naxmãxwaüxü. ¹⁶Rü nüma ga Dawí rü Tupanana naca naxçax ga yema buxü, rü naxaure rü nhaxtüanëgumare naca rü yexma nüxü nangupetü ga nhuxre ga chütaxü. ¹⁷Rü yema ãëxgacügü ga norü ngüxëëruügü ga yéma naxütawa yëmagüxü, rü nüxü nacaãxügü nax inachixüçax ga nhaxtüanëwa. Notürü ga nüma ga Dawí rü tama inachixchaü rü tama natanüwa nachibüchaü. ¹⁸Rü 7 ga ngunexü ngupetüxguwena rü tayu ga guxema buxe. Rü nümagü ga yema Dawíarü ngüxëëruügü rü namuüë ga namaxã nüxü nax yaxügüexü, yerü nhaxügu

narüxînüe: “Rü yexguma tamaxyane ga guxema buxe rü nüma ga ãëxgacü rü tama taga naxînüchaũ rü tama nachibüchaũ. Rü ngëmacax i nhuxmax nax tayuxũ rü nhuxácü tá namaxã nüxũ tixu, erü tama nüxũ tacuax nax taxacü tá nügümaxã naxüxũ”, nhaxũgu narüxînüe. ¹⁹Notürü nüma ga Dawí rü nüxũ nadau ga yema norü ngüxëëruügu ga bexma nügümaxã nax yadexagüxũ, rü yemawa nüxũ nacuax ga guxema buxe rü marü nax tayuxũ. Rü yemacax nüxna naca rü nhanagürü: —¿Marü tayu ya yíxema buxe? —nhanagürü. Rü nüma ga yema norü ngüxëëruügu rü nanangãxügagü rü nhanagürügü: —Ngü, marü tayu —nhanagürügü. ²⁰Rü yexguma ga Dawí rü inachi ga nhaxtüanewa, rü naxaiya rü nügu napumára rü ínacuxuchi rü to ga naxchirugu nicux. Rü Tupanapatawa naxü rü yexma naxücu rü Cori ya Tupanaxü nicuaxüxũ. Rü yemawena rü nachiüçax natáegu rü ñnacax ínaca rü nachibü. ²¹Rü yexguma ga yema norü ngüxëëruügu rü Dawína nacagü rü nhanagürügü: —¿Notürü taxacüçax ngëmaãcü cunaxü Pa Æëxgacüx? Rü yexguma tamaxüxgu ga guxema buxe, Pa Æëxgacüx, rü cuxaure rü tümacax cuxaxu. Notürü i nhuxmax marü nax tayuxũ ya buxe, Pa Æëxgacüx, rü icuchi rü cuchibü —nhanagürügü. ²²Rü Dawí nanangãxüga rü nhanagürü: —Yexguma tamaxüxgu ga guxema buxe rü chaxaure rü chaxaxu yerü nagu charüxînü chi ga Cori ya Tupanaaxü nax changechaütümüxüxü rü tüxü namaxëëxü ga guxema buxe. ²³Notürü i nhuxmax nax marü tayuxũ ¿rü

taxacüçax ichaxaurexü ega taxucürüwa wena tüxü chamaxëëgu? Chama rü tá tümaxütawa chaxü, notürü i tüma rü taxuacüma çaxüçax tatáegu —nhanagürü.

Charumáuarü buxchiga

²⁴Rü yemawena ga Dawí rü naxmax ga Bachichébaixü nayataãxëxëxë. Rü ngüxüta nanaxüane rü ngümaxã namaxü, rü nüxü ixäxaci. Rü nüma ga Dawí rü Charumáugu nanaxüéga.

.....

Abicharáü rü nanatü ga Dawíxü inataxüchichaũ

15 ¹Rü wüxi ga ngunexü rü nüma ga Dawí nane ga Abicharáü rü naxçax nataxe ga wüxi ga nawexü ga mexechine ga cowarugü itüxüne. Rü naxçax nadau ga 50 ga norü churaragü. ²⁻³Rü paxmama ínarüdaüxüxü rü namacüwagu nayachiixü ga duüxügu íanecax íhocuxüwa. Rü guxãma ga guxema ãëxgacüxü dauxchaügüxe nax tümaarü guxchaxü tayamexëëgüxüçax, rü nüma ga Abicharáü rü tümacax naca rü nhuxüchi tüxna naca ga ngexnerüxüne ga íanewa nax ne taxüxü. Rü guxema tügü ixuxe nax wüxi ga Iraéuanecüãxgütücumüwa nax taxüxü, rü nüma ga Abicharáü rü nhanagürü tüxü: —Rü aixcuma nixü i ngëma nüxü quixuxü, notürü nataxuma i ãëxgacüarü ngüxëëruügu i cuxü rüngüxëxü —nhanagürü. ⁴Rü nhanagürü ta: —Chierü nhaa nachixüanewa ãëxgacü i guxchaxüarü mexëëruxü chixüxgu nax ngëmaãcü guxãma chauxütawa naxüxüçax ya yíxema guxchaxügu tüxü

ngêxmaxe nax tûxû chanamexêêxûcax —nhanagürü. ⁵Rü yexguma texé napexegu yacaxápûxügu, rü nüma ga Abicharáû rü tama nanaxwaxe ga yemaacü nüxû nax tarümoxêgüxû, rü tümamexêgu nayayauxâchi rü tûxû nachúxu. ⁶Rü yemaacü ga nüma ga Abicharáû rü tümamaxâ nügü namecümamaxê ga guxâma ga Iraéuanecüâxgü ga âêxgacüxütawa üxchaüxe nax namexêêxûcax ga tümaarü guxchaxügü. Rü yemaacü nixî ga nügüna tûxû yapuexêêxû ga guxema Iraéuanecüâxgü. ⁷Rü yexguma 4 ga taunecü ngupetüxgu, rü nüma ga Abicharáû rü nanatü ga âêxgacüxü nhanagürü: —Cuxna chaca, Pa Âêxgacüx çrü marü curü me yixîxü nax Ebróüwa chaxüxü nax chayanguxêêxûcax ga yema uneta ga Cori ya Tupanamaxâ nüxü chixuxü? ⁸Rü yexguma Chíríaanegu chaxâchiügu ga Yechúarü íanewa, rü chama nax curü duüxü chixîxü, rü yéma Cori ya Tupanamaxâ nüxü chixu rü ngêxguma chi nüma choxü natauxchaxêêägu ga Yerucharéücax nax chatæguxü rü chi nüxü chayarücuaxüxü namaxâ i wüxi i chorü âmare i naxcax chiguxü —nhanagürü. ⁹Rü nüma ga âêxgacü rü nanangâxüga rü nhanagürü: —¡Marü name rü mea ngéma naxü! —nhanagürü. Rü yexguma ga nüma ga Abicharáû rü Ebróüwa naxü. ¹⁰Rü yexguma Ebróüwa nayexmayane ga Abicharáû rü nhuxre ga norü duüxügüxü namu nax guxü ga Iraéuanecüâxgütücumüwa naxîxücax rü nüxü nax yanaxugüxücax ga norü ore ga nhaxü: “Rü ngêxguma nüxü pexînüegu i

cornétaga, rü ngêmawa tá nüxü pecuax nax Ebróüwa yangucuchixü ya Abicharáû nax Iraéuanecüâxgüarü âêxgacü yixîxücax”, nhaxü. ¹¹Rü nhuxmachi ga nüma ga Abicharáû rü nüxna naxu ga 200 ga yatügü ga Yerucharéücüâx ga mexügu rüxînüexü. Rü nawe narüxî notürü tama nüxü nacuaxgü ga taxacü nax yixîxü ga yema norü ínu. ¹²Rü yexgumarüxü ta ga nüma ga Abicharáû rü naxcax nangema ga wüxi ga Dawíarü ucuxêruxü ga Aitópegu âégacü ga norü íane ga Yirúgu âchiücü. Rü namaxâ nüxü nixu nax naxümücüaxücax ga yexguma Tupanacax naxüna nadaixgu rü ínaguâxgu. Rü yemaacü ga yema Abicharáüarü ínúwaama ügüxü ga yatügü rü nimuetanü ga yema nawe rüxîxü.

Dawí rü Yerucharéüwa ninha

¹³Rü wüxi ga duüxü rü Dawímaxâ nüxü nayarüxu rü ga Iraéuanecüâxgü rü Abicharáüwe nax naxîxü. ¹⁴Rü yexguma nüma ga Dawí rü nanamu ga guxüma ga norü churaragüeru ga namaxâ Yerucharéüwa yexmagüxü, rü nhanagürü: —¡Ngîxâ nhuxmatama tibuxmü! Erü yixcama rü taxucürüwatâma Abicharáüchaxwa tibuxmü. ¡Ngîxâ, rü peporaâêgü! Erü ngürüâchi tá tûxü nayangau rü chixexü tá tamaxâ naxü, rü norü taramaxâ tá tûxü nadai ya guxâma ya íanecüâx —nhanagürü.

.....

³¹Rü yexguma Dawímaxâ nüxü yaxugüegu ga Aitópe rü Abicharáüarü ínúwaama üxü, rü nüma ga Dawí rü

Cori ya Tupanana naca ga nax
natoóxēxēxūcax ga yema Aitópe nagu
rūxīnūxū.

.....

**Dawíarū churaragū rü
Abicharáúxū nimaxgü**

18 ¹Rü nüma ga Dawí rü norü
churaragūxū nixugü. Rü
wüxichigü ga 1000 ga churaragūcax rü
nūxū naxuneta ga norü comaúdáúte. Rü
wüxichigü ga 1000 wa rü 100 gu
inananu. Rü wüxichigü ga 100 cax rü
nūxū naxuneta ga norü capitáú. ²Rü
yemawena rü tamaepüxtücumügu
nayayauxye ga norü churaragü. Rü
wüxítücumümamaxā inacuaç ga Yoábe. Rü
totücumümamaxā inacuaç ga Abichái ga
Cheriá nane ga Yoábeenexē ixīcü. Rü
yema totücumümamaxā inacuaç ga Itái ga
Getéu ixīcü. Rü nhuxūchi ga nüma ga
Dawí rü guxūma ga yema norü
churaragūxū nhanagürü: —Chama rü tá
ta pexū íchixümücü i daiwa
—nhanagürü. ³Notürü ga nümagü rü
nanangāxūgagü rü nhanagürügü:
—Taxuacüma ngēmaäcü cunaxü, Pa
Āēxgacūx, erü ngēma torü uanügūcax
rü nüétama ega woo naxchaxwa
tibuxmūxgu rüexna ngāxū i tatanūxū
yuegu, erü ngēma nüma
nanaxwaxegūxū nixī nax cuxū
yamaxgūxū. Rü ngēmacax, Pa
Āēxgacūx, rü cuma rü 10,000 i toma i
curü churaragüarü yexera toxū cume.
Rü ngēmacax narümemaē i nuxátama
īanegu curūxāūx nax ngēmaäcü to i
churaragü toxūtawa cumugūxūcax
—nhanagürügü. ⁴Rü yexguma ga nüma
ga āēxgacü rü nanangāxūga rü

nhanagürü: —Tá chanaxü i ngēma
pexcax rümemaexū —nhanagürü. Rü
yexgumatama ga nüma ga āēxgacü rü
guma īanearü īāxgu īnachicuchi rü
nüma ga norü churaragü rü
īnachoxūtücumü. ⁵Rü nhuxūchi ga
nüma ga āēxgacü rü nayaxucuxēgü ga
Yoábe rü Abichái rü Itái, rü nhanagürü
nūxū: —īMea namaxā pechopetü ya
yimá ngextūxücü ya Abicharáú!
—nhanagürü. Rü guxūma ga norü
churaragü rü nūxū naxīnie ga yexguma
āēxgacü yema nhaxgu nūxū ga yema
churaragüarü āēxgacügü nachiga ga
gumá Abicharáú. ⁶Rü yemaacü
inaxīāchi ga yema churaragü nax
Iraéuanecūāxgüarü churaragü ga
Abicharáúwaama ügūxūmaxā nügü nax
nadaixūcax. Rü Efraíarü naanewa
yexmaxū ga naixnecügu nixī ga nügü
nadaixū. ⁷Rü yema Dawíwe rüxīxū ga
churaragü rü Abicharáúarü churaragūxū
narüporamaegü. Rü porācü nügü
nadaí, rü 20,000 ga yatü yexma nayue.
⁸Rü guxūwama nangu ga nügü nax
nadaixū ga yema Efraíarü naanewa. Rü
woo yema noxri nügü īnadaixūgu nayue
ga muxūma, notürü yemaarü yexera
nixī ga naixnecügu yuexū ga yexguma
Dawíarü churaragü nawe ngēgügu. ⁹Rü
yexguma nügü nadaiyane rü nüma ga
Abicharáú ga norü múlagu ixücü, rü
ngürüāchi yexma Dawíarü
churaragūmaxā nügü nangau. Rü nüma
ga Abicharáú rü norü múlamaxā ninha.
Rü wüxi ga carabáyu ga
taxūchacüütüüwa namaxā nagopetü, rü
yéma niwaxcuchinaxā, rü yéma narütu.
Rü yema múla rü nagopetümare. ¹⁰Rü
wüxi ga yema Dawíarü duúxū ga nūxū

dauxũ rü Yoábemaxã nüxũ nixu. ¹¹Rü nüma ga Yoábe rü nhanagürü: —¿Taxacü nixĩ? ¿Rü ngëxguma nüxũ cudaxgu rü tũxcüü tama noxtacüma cuyamax? Erü ngëxguma chi cuyamaxgu rü chama rü 10 tachinü i diëru chi cuxna chaxã rü wüxi i goyexũ —nhanagürü. ¹²Notürü ga yema churara rü Yoábexũ nangãxũga rü nhanagürü nüxũ: —Woo chi 1000 tachinü i diëru choxna cuxãxgu rü taxũchima chanaxü i ngëma. Erü guxãma i tomax rü nüxũ taxĩnüe ga ãëxgacü ga yexguma cuxũ rü Abicháixũ rü Itáixũ nhaxgu: “¡Rü taxütáma chixexũ namaxã pexü ya Abicharáũ!” , nhaxgu. ¹³Rü ngëxgumachi ãëxgacüechita chayamaxgu ya nane rü nüma ya ãëxgacü rü tá nüxũ nacuax nax texé yamáxũ, rü cuma rü taxũchima chauétüwa cuchogü —nhanagürü. ¹⁴Rü nüma ga Yoábe rü nhanagürü: —¡Marütama i ngëma dexa i chixemarexũ! —nhanagürü. Rü yexguma nanayaxu ga tamaepüx ga naixmenaxã ga ixãmaguxũ, rü yemamaxã Abicharáũxũ nacanapacütüxũ, yerü carabáyuchacüxüwa nax natuxũ rü tama nayu. ¹⁵Rü yemawena rü 10 ga Yoábearü churagü rü Abicharáũxũ ínachomaeguãchi rü nayamaxgüxüchi.

²⁴Rü yexgumayane rü nüma ga Dawí rü guma ñanearü ñãxwa narüto. Rü nüma ga yema dauxütaeruxũ rü yema ñanearü poxeguxüétügu naxĩnagü nax yéma nadauxütaexücax. Rü yexguma yexama nadawenügu ga yema dauxütaeruxũ rü nüxũ nadau ga wüxi ga

yatü ga nüxica yéma ne nhaxũ. ²⁵⁻²⁶Rü tagaãcü ãëxgacümaxã nayacaxũ. Rü nüma ga ãëxgacü rü tagaãcü nanangãxũ rü nhanagürü: —Ngëxguma nüxicatama ngëma ne nanhaxgu, rü mexü i ore ngëma ne nange —nhanagürü. Notürü yexguma yema yatü ga yéma ne nhaxũ ingaicagu, rü nüma ga yema dauxütaeruxũ nüxũ nadau ga to ga yatü ga yéma ne nhaxũ. Rü yemacax yema ñãxaru darüüna tagaãcü nacagü rü nhanagürü: —Yea nixĩ i to i yatü rü ngëma ne nanha —nhanagürü. Rü nüma ga ãëxgacü rü tagaãcü nhanagürü: —Ngëma rü ta mexü i ore ngëma ne nange —nhanagürü. ²⁷Rü yexguma nüma ga yema dauxütaeruxũ rü nhanagürü ta: —Ngëma napexe inhaxũ rü norü nhaãchiwa nüxũ chacuax nax Chadóchi nane ya Aimáax yixixũ —nhanagürü. Rü nüma ga ãëxgacü rü nanangãxũ rü nhanagürü: —Nüma rü wüxi ya mecü ya yatü nixĩ, rü mexü i ore nua nange —nhanagürü. ²⁸Rü nüma ga Aimáax rü ãëxgacücax nixü rü napexegu nayacaxápüxü rü nhaxtüanegu nanangücuchi rü yemaacü nüxũ narümoxë rü nhanagürü: —Name ya Cori ya Tupana, ya curü Tupana, Pa ãëxgacüx, erü marü nanadai ga yema tama cuga ñnüechaũxũ, Pa ãëxgacüx —nhanagürü. ²⁹Rü nüma ga ãëxgacü rü ñnaca, rü nhanagürü: —¿Nhuxãcü nüxũ nangupetüxü ya yimá ngextüxücü ya Abicharáũ? ¿Rü namemarexü yixixü? —nhanagürü. Rü nüma ga Aimáax rü nanangãxũga rü nhanagürü: —Ngëxguma Yoábe choxü muxgu rü ñnixaicha, notürü tama nüxũ chacuax, Pa ãëxgacüx, nax taxacü ngupetüxü

—nhanagürü. ³⁰Rü nüma ga ãëxgacü rü nhanagürü nüxü: —¡Inachi rü ngëxma ínachicuchi! —nhanagürü. Rü nüma ga Aimáax rü yexma ínachicuchi. ³¹Rü yexgumatama ínangu ga yema to ga yatü ga Echiopíaanecüãx rü nhanagürü: —Nangexma i wüxi i mexü i ore, Pa ãëxgacüx. Rü nhüxmax ya Cori ya Tupana rü mexü cumaxã naxü, Pa ãëxgacüx, erü cuxü ínapoxü nawa ga yema tama cuga ínüechaüxü, Pa ãëxgacüx —nhanagürü. ³²Rü nüma ga ãëxgacü rü yema Echiopíaanecüãxna naca rü nhanagürü: —¿Rü yimá ngextüxcü ya Abicharáü, rü taxuxüma nüxü üpetüxü? —nhanagürü. Rü nüma ga Echiopíaanecüãx rü nanangãxüga rü nhanagürü: —Chierü ngëma curü uanügü, Pa ãëxgacüx, rü guxüma i ngëma chixexü cumaxã ügüchaüxü rü yimá ngextüxcürüxü nayuegu —nhanagürü. ³³Rü nüma ga ãëxgacü rü axumaxã aita naxü. Rü dauxü naxí ga yema norü ucapu ga íanearü poxeguxüétüwa yexmaxüwa, rü yéma nayaxaxu. Rü yexma ínaxüüxüácüma nhanagürü: —Pa Chaunex, Pa Abicharáüx. Pa Chaunex, Pa Abicharáüx. Chierü chama cuchicüxü chayuxgu. Pa Chaunex, Pa Abicharáüx, Pa Chaunex —nhanagürü.

**ãëxgacü ga Dawí rü wenaxarü
Yerucharéücax natáegu**

19 ¹⁻²Rü yexguma duüxügü nüxü cuaxgügu ga nüma ga ãëxgacü ga Dawí ga poraãcü nane ga Abicharáü ga yucücax nax nangechaüxü rü naxcax naxaxuxü rü Yoábemaxã nüxü nayarüxugüe. Rü yemaacü ga yema

ngunexügu ga yema nax norü uanügüxü naporamaegüchiréxü ga daiwa rü ngechaüxü nanacxichi. ³Rü nümatama ga yema churaragü rü bexmamare íanegu nachocu rü ãneãcü inaxí nhama chi daiwa yabuxmüxürüxü. ⁴Rü yexgumayane ga nüma ga ãëxgacü rü nügü yadüxchiweãcüma poraãcü aita naxüxü rü nhanagürü: —Pa Chaunex, Pa Abicharáüx. Pa Chaunex, Pa Abicharáüx, Pa Chaunex —nhanagürü. ⁵Rü yexguma ga Yoábe rü Dawíütawa naxü rü nhanagürü: —Pa ãëxgacüx, wüxi i ãne nüxü quingexëxë i ngëma curü churaragü i cuxü ípoxügüxü nax tama peyuexücax i cuma rü cunegü, rü cuxacügü, rü cuxmaxgü, rü cuxütaxügü. ⁶Rü nhüxmax rü icunawex nax cuxcax rü taxuwama namexü i ngëma cutüüwa ügüxü i ãëxgacügü rü churaragü, erü nüxü cungechaü i ngëma cuxchi aixexü, rü naxchi cuxai i ngëma cuxü ngechaügüxü. Nhüxma nüxü chücuaxächí, Pa ãëxgacüx, rü cuxcax narümemaie chi nixí nax Abicharáü maxüxü, rü nüétama chi nixí ga nax tayuexü ga tomox. ⁷Rü ínaxüxü rü nataãxëgüxëxë i ngëma curü churaragü! Erü Tupanaégagu cumaxã nüxü chixu rü ngëxguma taxütáma ngëmaãcü cunaxüxgux, rü bai i wüxi tá nuxã cuxütágu narüxãxü i nhama i chütaxügu. Ngëma rü tá guxüma ga chixexü ga yema curü ngextüxügu cuxü ngupetüxüarü yexera tá nixí i cuxcax ínguxü —nhanagürü ga Yoábe. ⁸Rü yexguma ga nüma ga ãëxgacü rü inachi, rü íanearü íãxwa narüto. Rü yexguma duüxügü nüxü cuaxgügu ga guma ãëxgacü rü íanearü íãxwa nax yanatoxü,

rü guxũma ga duũxũgũ rü naxũtawana
naxĩ. Rü yema Iraéuanecũãxgu ga
Abicharáũwe rüxĩxũ rü nibuxmũ rü
nachiũwa naxĩ.

.....

**Nawiyae ga Dawĩ yerũ norũ
uanũgũxũ narũporamae**

22 ¹Rü yexguma Cori ya Tupana
Dawĩxũ rüngũxẽẽgu nax
Chaúmexẽwa rü guxũma ga norũ
uanũgũmexẽwa ínanguxuchixẽẽãxũ, rü
nũma ga Dawĩ rü nhaa wiyaemaxã
Tupanaxũ nicuãxũxũ. ²⁻³Rü nhanagürũ:
“Cumax, Pa Cori rü chorũ poxũruxũ
quixĩxũ, rü chorũ cuxchicaxũ quixĩxũ,
rü chorũ nguxuchixẽẽruxũ quixĩxũ, rü
chorũ Tupana quixĩxũ, rü nhama tacũ
ya nutarũxũ ya chorũ poxũruxũ quixĩxũ,
rü chorũ tüpexeruxũ quixĩxũ, rü chorũ
maxẽẽruxũ quixĩxũ, rü
maxpũnetapexewa ngẽxmaxũ i chorũ
cuxchicaxũ i nagu changaxixũ quixĩxũ.

Rü cuma nixĩ i chorũ uanũgũmexẽwa
choxũ ícunguxuchixẽẽxũ nax tama
choxũ yamaxgũxũcãx. ⁴Rü cuxũwaxi
nixĩ i namexũ, Pa Corix, nax
ticuãxũũgũxũ. Rü ngẽxguma
ãũcũmaxũwa changexmagu rü aita
cuxcãx chaxũxgu, rü cuma rü chorũ
uanũgũmexẽwa choxũ ícupoxũ.

.....

³¹Rü ngẽma Tupana nagu rüxĩnũxũ rü
aixcumama iniwex. Rü ngẽma Cori ya
Tupanaarũ uneta rü name nax yaxõxũ.
Rü Tupana rü tüxũ ínapoxũ ya guxãma
ya yĩxema nagu yaxõgũxe. ³²¿Rü texẽ
Tupana tixĩ ega tama tórũ Cori ya
Tupana yixĩxgu? ¿Rü taxacürũ to i
tupana nangexma i nüxũ tauxchaxũ nax
tüxũ ínapoxũxũ? ³³Rü nũma ya Tupana
nixĩ ya norũ poramaxã choxũ idũxũxcũ.
Rü yimã nixĩ ya namexẽẽcũ i chorũ
maxũ nax taxuwama nachixexũcãx”,
nhanagürũ.

.....